

十住斷結經卷第一

姚秦涼州沙門竺佛念譯

此

能一

導引品第一

聞如是一時佛在毗舍離城撫氏樹園與大比丘衆八萬四千菩薩十萬四千人俱普皆大聖玄鑒通達獲致總持辯無滯礙三昧常

乙

能一

定慧無畏難解了纏綿十二行本以遠深要

不起法忍周流五趣觀察訓導以佛弘智覆  
蓋衆生隨其根源而救濟之執持威儀不失  
禮節其名曰常淨菩薩寶積菩薩寶士菩薩  
寶印首菩薩寶藏菩薩趣意菩薩轉法輪菩  
薩除陰蓋菩薩施蓮華行菩薩師子菩薩日

光菩薩見正反邪菩薩不置遠菩薩無損志

菩薩持地菩薩持魔菩薩造化菩薩水光菩  
薩施相菩薩應聲菩薩金纓菩薩葱氏菩薩  
濡首等十萬四千人俱爾時地主四大天王  
釋提桓因將諸忉利天焰天兜術天化自在  
天他化自在天第一梵天王將諸梵衆來詣

佛所及諸天龍鬼神捷沓懇阿須倫迦留羅  
真陀羅摩休勒人與非人悉來集會

爾時如來與無央數億千之衆眷屬圍遶而  
為說法弊魔波旬不安本位復將官屬前後  
圍遶來至佛所頭面稽首在一面立此賢劫  
中一切大聖諸正士等皆悉雲集是時如來

復以舌相光明普照三千大千刹土見光明  
者各相謂言今日忍土釋迦文佛放大光明  
引致十方高行菩薩於光明中演出此音能  
仁如來至真等正覺在娑訥國土放微妙光  
與諸大人演說十十三昧正定非是緣覺聲  
聞所行我等各各齋供養具詣彼忍土興致  
禮敬承受奉觀

於時東方去此九萬二千諸佛世界國名盛  
妙佛号殊勝如來其佛左右有菩薩名曰執  
志通慧大士住不退轉光明遍彼勸進菩薩  
尋自往詣盛妙如來至真等正覺所稽首長  
跪而白佛言唯然大聖欲至忍土奉觀釋迦

文佛至真等正覺誓首問訊諸受未聞其佛  
告曰宜知是時便往勿疑又謂執志雖至忍  
界即當奉行五十五事最在心懷無令漏失  
何謂五十五事施與不施等於戒犯戒等忍  
對不起等進退彊意等亂心禪定等深智淺  
愚等怨讐二親等見罵若空等三乘無高下

(能一)

二

亦無若干想亦不見善亦不見不善亦不見  
佛土淨亦不見佛土不淨若見衆生生惡趣  
者不懷恐畏見諸上士觀如衆祐亦不有二  
常若一心若見有殺盜婬泆妄言綺語嗜酒  
愚亂嫉妬恚癡鬭訟彼此心執邪見非常言  
常悉當平等無增減心莫見戒具受上福報

施受大福亦復莫云我今護殺延壽無量亦  
莫相輕我相好勝教戒殊特彼人卑纖凡夫  
朋黨除去七慢十二無記是為五十五事當  
念修行佛言執志若有族姓子族姓女心志  
質直等住定意可遊彼土設百千劫於吾之  
土建立梵行不如忍界彈指之間無高下意

是為殊勝億千萬倍於時彼土五萬菩薩各  
誓願言我當具足心意清淨侍衛執志菩薩  
得詣奉觀能仁如來至真等正覺執志菩薩  
即與五萬菩薩誓言如力士屈伸臂頃斯須之  
間於其佛土忽然不現尋在忍界奉觀能仁  
誓首禮拜退仕一面爾時世尊觀衆來會集

坐已定告四部衆汝等見此執志菩薩乎對  
曰已見佛言諸族姓子斯大士者超越三有  
分別深奧辯才通達慈哀感動神足變化導  
引勸進所遊居處多所饒益是時座上有菩  
薩各曰最勝承佛威神即從座起頭面禮足  
白世尊曰唯然無著志性愚癡願欲所問若

(能一)

三

見聽許乃敢陳啓

佛告最勝恣汝所問如來當為解說爾時最  
勝菩薩以聽所答即白佛言唯然世尊如來  
至真入何三昧放大光明踰於日月若有衆  
生觀如來光必至所願不失人根此何變化

神妙乃尔

佛告最勝復白佛言矣誠如來言光明威力接度衆生多所開化如來隨宜入億百千諸三昧定遊於恒沙無量佛土座敷妙北性行所趣有婬怒癡強梁自用貢高放佚者如來觀察具分別之

爾時最勝復白佛言何謂菩薩從初發迹至

成作佛一地二地至乎十地爲斷幾結消除

幾垢何謂菩薩解了己身內外無生何謂菩薩自稱廣施不除斷滅何謂菩薩行戒具足終而不犯亦不毀戒墮墮本位何謂菩薩忍而不起於忍退還爲凡夫行何謂菩薩精勤不懈復有慢怠從始積業何謂菩薩入定意

法天雷震動心不錯亂云何菩薩初發心行無能斷者云何菩薩意識安隱不可捨離何謂菩薩其心獨尊與衆超異云何菩薩心之所趣無能知意

爾時世尊告最勝曰善哉善哉乃問斯義多所饒益多所成辦今當爲汝敷演其義菩薩

所行不可思議智無邊崖亦無等侶乃能興心於如來前而師子吼諦聽諦聽善思念之最勝對曰受教而聽

佛言菩薩發心求無上道先斷妄見身邪戒盜分別苦智建立志願具足禁戒每自思惟我之所行願樂遠離凡俗之法以五陰性不

可得故道亦不可得況於在道外者倚色痛想行識求度衆生佛復告最勝五陰亦無觀行衆生亦無觀行亦復不見所可度者無言教法非羅漢辟支佛所能及也爾時最勝菩薩白佛言世尊不從五陰無觀行得道不從衆生無觀行得道寧可從四禁法得乎佛言

能一

四

非也最勝復白佛言設不從四事得者復可從空得耶佛言非也爾時最勝菩薩復白佛言不從空得不從四事得者今日如來及衆會者不成無上道亦不得果報乎佛言成無上道耳但不住有性亦不住無性而成等正覺最勝白佛言云何色痛想行識及內外法

善惡法有漏無漏法有爲無爲法如來所說名號之法云何以名想字體教授一切乎佛言行亦無名復無想念不見入出之二來往周旋故号一切智菩薩常當以十法了十地事云何十法了十地事以苦集義盡道之義滅盡無生一切遍義自識已身及他人義於

六邪本及六十二見皆知空無義菩薩行是時當除有跡無跡云何除有跡無跡道是迹非道無迹來往是迹無來往者便無有迹菩薩當念修諸住地當行苦義斷姪欲之火瞋恚之毒愚癡之刺悲慈之心遍滿四方雖有愍哀意亦不有想已所惠施終不爲已普及衆生亦無所捨施不見施不有受者及與財物念與善者周接常當下意無生貢高說法之時不見有法出生巢窟無法之想出家之日與愛欲別以空無法斷除願戀求佛成道莫著相好亦復莫念吾先成道其在吾後設欲分流法教終不敗法毀法進趣果證不爲能一

塵欲所牽心常懷念滅於貢高自用不求法報及財寶物所授諦說無言教想持身如空空無想念是爲菩薩以苦智誠辦淨一地迹復次菩薩復以苦義集義行百千定若欲得佛心定意三昧者不以色想亦不以種好亦復不以本宿行故而致一住亦不希望作是

致是不作是亦不獲是常建是志不念過去當來之著亦復不念今現在生死所趣不從五陰六衰而剋此法亦不離五陰六衰復當思惟六無根本六無根本者眼耳鼻口身意從所起生從所起滅復當分別六衰所興了知尋察色聲香味細滑之法亦復不用見聞念知心意識法得淨一住不以巧偽生滅之法有常之想淨於一地無正無邪不造等意無所希望亦不是是亦不非非而淨住地亦不從一二三四至百千定亦復不離百千定意而淨住地不因心意而曉内外衆念望想是非之事亦不色痛想行識而淨其地亦

不用戒聞定意慧解度知見十力無所護四無所畏諸佛所寶十八法本不可以意想知見我想無我想不以五陰六衰生滅之處亦無所住亦無不住是謂菩薩淨一住地亦無色痛想行識之屋室亦不眼色耳聲鼻香舌味身細滑之處所何以故不可目視而見衆

相解不起不滅之法無終無始是謂菩薩於初地中而淨其跡悉具足成道慧備滿如來所宣無有差別若干之念便能解暢亦能爲人啓受諷誦普能周悉諸佛深藏佛復告最勝菩薩復當具足六度無極念捨形色無所慚望不生三念染著之法是則名曰施度無極欲知根源不念佛身達了本無當知以佛戒度無極不自想念我得成就三十二相計較諸法假号名句相貌無盡住不起法是故名之忍度無極一切諸法普無觀行亦無聞見行道上法見善不悅逢惡不感意無適莫是故名曰進度無極心不興念起於亂想寂

能一

六

怕自守意識求定是故名曰禪度無極解色相空敗毀色空亦不自高不懷自大諸法之相達知爲一亦非有一是故名曰智度無極復以權道應適衆生隨緣拔濟使不漏失是故最勝發意菩薩以苦聖智治初地行便能具足諸三昧門陀隣尼門智慧自在復次菩薩得是十千三昧住於欲界當以苦智等智果報分別十法欲恚慢癡狐疑身見邪見內見戒見盜見法已知已了不除不盡亦不令生復以苦智等智於有形無形曉了十八結母雖分別結不盡不賜最勝當知初學發意復以集義等義於三昧定住於欲界形無形界思惟十九怨對之灾瘡痍之患滲漏無首盡滅等義復於三界觀察十九迷誤之法道在三處有二十二亦當思惟三十四無漏聖意具諸功德悉爲成辦觀于無常苦空非身解知無二乃於一地而淨其跡也

留化品第二

爾時最勝菩薩前白佛言云何菩薩於二住地而具足行必果所願無有中錯  
佛告最勝菩薩於二地中常當思惟念淨其戒識其重恩勤行忍辱謙恭卑下常懷喜悅先笑後言行大慈悲孝順師長篤信三寶崇習妙慧無生染著計有常存夫計常者謂生能一

七

死業解有道常常道非尊尊出非常乃謂爲尊尊既無尊何言道尊是故最勝菩薩了道亦無尊卑亦無相像虛空猶常言有形質真道号字不可覩見其心坦然無所縛著所修德業不離諸佛無能中道而得斷絕一切諸惡悉盡無餘其心求定不可動轉志如金剛亦無伴侶皆知一切諸法之本以除衆垢消滅闇冥其法晃曜靡不照明心懷質直亦無諛詭性行平等無彼此意發心以來常懷鮮潔由本淨故得去諸垢沐浴清淵蕩除衆穢其信堅固無所遺捨施意廣大無有邊崖心若虛空亦無窮盡含受下劣將養使度所以

然者其慧純淑無所罣礙心之所規無所不容大慈無窮不盡之藏得識辯才常懷羞恥堅固之行心不可沮覺道之力無所不入辯才過衆無不渴仰得諸總持亦不忘失初不演說不急之事於百千定終不狐疑聞善惡法不懷憂喜不自貢高復不自下進趣安詳

不失威儀十二行本曉知五陰六衰所起復以苦集盡道分別十二緣起癡行生死靡不貫達觀察五根具滿思念不復往來生死穢著乃以八十四智消滅諸漏誓留化身一劫教授如我今身必當入於無餘泥洹不永滅度亦復留化在賢明土將無數衆前後圍遼說微妙法最勝當知賢明去此北方度十三億恒河沙等諸佛刹土彼有世界名不動轉有佛号照意如來至真等正覺現在說法不動轉界亦無聲聞緣覺之名純諸登位大乘行人布施戒忍精進禪定以神通慧而自娛樂無極之智纏絡其身隨時分別章句深妙

慈悲喜護等如虛空觀前衆生知其志性爲兩甘露無極法味其服食者無瞋恨結行三昧空無相願拔濟生死立無爲岸降魔塵勞懷害之毒彼佛神足感動變化周旋往反無量佛土彼受訓者不知是化謂爲真佛過去恒沙諸佛世尊皆留化佛接緣衆生使獲

能一

無爲是故如來隱形適化不可思議方將來佛慈氏等輩亦各有化如來之像開導衆生我雖滅度彼化佛身亦不滅度是故最勝化亦無化佛亦無佛解知空寂亦不二三若干之相二地菩薩常當修習幻化之法觀了慧地誠信之地見地薄地終成之地緣覺聲聞

八

所居之地雖療其疾不取其證假使最勝二住菩薩欲取聲聞緣覺證者甚無有難譬如有人手執華鬘及明月珠仰擲虛空未墮地頃於其中間斷結除垢諸漏永滅無生老死憂患之苦但爲菩薩雖知斷結終不取證所以然者未察衆生上中下意堅固其心未處

究竟興無蓋雲擊慧雷聲降甘露藥宣真諦寶不斷三業意念鮮潔如水清徹恒用禁戒而自莊嚴後以衆德修飾形相奉遵上妙堅聖覺道至後胎分一生補處學現諸佛所造本業學意總持悉無處所先念興意嚴淨道場隨時進止行安般念在衆強志御無所畏

八

心便勇健而得自在發心願成甚可愛敬爲諸衆生說喜樂法其心特算與衆超異若能執持空無之相外道奇術無柰之何聲聞緣覺常所宗敬是時世尊復告最勝二地菩薩達知本無遠離身行去口殃禍除意亂念消滅三穢抑制三災掩塞五蔽推尋十二癡行

能一

之本上下五結散在三界以漸除却無令增多思惟十一苦惱之瘡捨諸四大耽著之病分別諸物惡露之法當避家業息諸習俗斷其愛欲瞋恚貪垢淨刈根本不使流馳常念思惟計無我想堅立四信住四意止成四意斷稱說五根布現五力無缺減志曉知七覺

諸寶之藏修行八正賢聖之道八大人念初不廢捨如是最勝二地菩薩執心調意不若

千念解知悉空而無真實乃得上位受菩薩

記不動勞行亦不離行學於上智雖有尊貴意不貢高觀知諸法一法不二不計二想亦

復不興無益之想不有限際有無之想了想

無處不住無處惟正覺淨諸佛亦淨善御於心正住不邪等一善惡審知俱空空不疑礙亦復不見有爭無爭有觀無觀本無爲一亦不見一知一除一不住於一復不從一而起衆想等習勝意無習有際不見有際有勝有負不聽心散越內外法善防御識定而不轉

雖在三有不著於三深察諸性了知無根知無根者所謂淨地二住菩薩自整其心觀諸法本悉同無常常無所入不見出生無善不善好惡之名利衰毀譽稱譏苦樂調正心意無有憂慼在所入處開示大藏入大法海念求七慧煎熬三愛善制四流修六重法成果

證行如是最勝菩薩大士具諸法已知無形貌而不可見是謂習學淨於二地

空觀品第三

爾時最勝菩薩復白佛言云何菩薩於三地中當淨其行

世尊告曰進學菩薩無出入念雖多學問義無厭足不入文句字體本末分流法施謙下於人修治國土無國土想建立善業亦不貢高初發心行無令有斷成功德願志如安明觀諸衆生說喜樂法從初發意以爲道本由是得至永寂道果心念廣施遍及一切建立志願具足禁戒開意精進行無懈怠無所喜能一

樂唯道爲務無歸趣者與作將導因爲分別大智之法從初立心永無所住用極大慈不可見故欲拔根源立大乘迹當行悲哀愍其未度設見度者當懷悅豫於諸衆生平等其心雖遇苦樂亦不爲動將護一切引入道門爲諸如來所見殊特念順十方諸佛教戒當

度一切五趣之難興隆道化無損三寶無所  
違失便成道果將順禁戒爲衆人則暢演智  
慧無窮之寶猶如虛空不可窮盡其一切智  
亦不可盡如來心識亦復如是無有生滅著  
斷之二定意三昧智慧解脫度知見身無有  
近遠亦不可見最勝當知一切諸佛深法之

要亦不可盡亦無端緒去來現在三世合散  
亦無所有不見有集有所成辦復無散落變  
易非一四大所造地水火風亦無有對而不  
可見用智了別衆生心行本願不斷不可思  
議皆無所生亦無鬚髮第一切諸法尋不可知  
以是之故故無所生亦復無法可有生者生  
已無生何者是生是故最勝發菩薩心而無  
窮盡不設心意形相諸法復無諛詣僥幸諸  
法其心質直在衆殊特修息心法自觀身法  
觀他人身皆悉空寂不生想念觀身無染而  
不可得亦無受者分別爲一行步進止探察  
三界受形之類皆由癡愛遭諸苦惱了知無

能

十一

二而不可見痛意行法內外虛空無有生滅  
復次最勝進學菩薩觀息出入長短遲疾身  
中毛孔氣息所經靡不了達出氣爲溫還報  
爲冷解知寂寢都無形質菩薩觀身分別識  
知亦無處所用清淨故平正無邪柔軟其心  
不懷麤曠篤信真要未曾變改志常堅強而  
無動轉無能憎嫉而燒害者何以故爾以其  
行際不可逮及有所建立無能誹謗何敢興  
造無根無罪心垢爲消願令法輪常轉於世  
使一切人疾得妙慧光照幽冥如日貫雲立  
道善本自觀無我生無處所於内外法俱亦  
如是亦復不見生死所趣起滅之處乃至羅  
漢緣覺及佛皆無見聞有想見者爲非見也  
無所想見一切清淨不止淨想乃爲非想是  
爲空見爲無所見復次最勝心不在內亦不  
處外不於道法不住於俗亦不住有亦不住  
無不見起滅動搖之處心無崖畔廣普無底  
亦無音響本末悉盡如是最勝當作是觀觀

無所觀當作是見見無所見習行菩薩爲空  
爲滅爲無所有三住菩薩以諸法定使意專  
精計念成淨作是計者爲應泥洹應無所生  
是法無法無亦無無強爲生名字爲法性曉  
了法性無來往緣習斷意法哀出現名惡法  
未生精進御止攝使不起已興惡者御意令  
斷未生善法精勤使生已生增多不使漏失  
三住菩薩行神足定得樂喜定止所作行摠  
其神足持身心意以精勤定除所作惡復摠  
神足攝持身心復以意定除其所作統攝神  
足持於身心以智慧定除諸所作統其神足  
亦持身心漸進修根信精進根意定慧根便  
得入要佛法空盡無彼無我亦無因緣復無  
纏縛貪有計常生死苦斷一切無跡人多相  
倚見著性名於無數世當復積行憂惱相隨  
如影隨形往來不停如輪在轍莫知端緒行  
定無倚正觀不著貪盡想滅結解清淨於行  
不惑意無憂惱生老病斷無復往來慧眼大

能

十二

明普照世人拔十二緣無點慧惑復次最勝  
菩薩大士復當修行神力之德夫神力者莫  
能沮壞天魔外道威力之神無侵暴者信力  
精進意定慧力是謂菩薩每修行者遂應漸  
進七覺意華以意覺華行十五心斷慳惜心  
覆菩薩迹成深妙慧而不退轉法覺意華無  
爲無作除去穢惡不善之行精進覺華合受  
懈慢有放逸者抑使不起歡悅覺華應三禪  
地攝諸亂想寂怕無爲猗覺意華無所貪著  
觀了諸法亦無所習以信覺華其志牢固暢  
說微妙而無悔恨亦當思惟無著覺華斷百  
八瑕染著心者復當修習八賢聖道等念等  
定等語等行等業等習等意等定超過八難  
越度六衰亦復分別三三昧法具此行已乃  
得稱爲淨三住地如是最勝菩薩大士習行  
慧門校計空無不可得覩無有形相相亦無  
相與人說法恒用中正所言至誠終無有異  
設有所與無所希望不求名稱爲人所歎感

共戴奉興致供養有所造作不自爲已先求彼安後乃恤己所以自致獲安隱者所施功德不懷懈倦有所施爲苦無厭足用愍一切衆生故也用無極慈拔濟老死爲懈倦者而興精進所以勇猛興精進者欲以養育衆生之類常當自念我由衆生得辦道果諸功德

能一

十三

業亦復具足所可陳力不希望報所以然者以心淨故蒙法潤澤是故無求世人有求爲除利求以是慧力護一切法願令羣黎各寧其所使上中下悉無怨恨所作事業安隱審諦由是菩薩無能制者亦復無能抑斷之者如是最勝菩薩宿誓弘普難量其慧無邊不可窮極猶若天金而無點汙所以然者用無瑕穢消盪塵蓋永無貪欲其諸惡心不能復亂又其意猛不爲惡屈守護邪念亦不使生瞋恚愚癡所有貪著汲汲五欲貢高自大諸所不可皆悉除盡三住菩薩常護是心曉了內法而不可見亦無形相假使有相則毀法

性捐捨重擔及諸垢濁當建是心不令懈怠尋其心識悉無處所而不可見無若干想有一切受形之分有功德者無功德者悉欲度脫至于大乘思念大乘亦不有跡訓誨一切復行法者畢志堅固淨於三地成於道果諸在厄難皆令建立無極功德雖獲其報知無所有心亦如是求不可見所以然者用慧觀知無去來今如是最勝菩薩常學修乎大慈若有苦難自投歸命欲求救濟全身命者寧長軀體願受苦惱先度前急不負要誓其行慈者平等如秤若有增益不以喜悅設毀謗者不懷憂戚是爲菩薩隨時行慈夫行慈者常以三事淨身口意終不傳惡亦不念邪雖在愚癡塵勞之間獨步無畏亦不自大所學之法不捨普智諸神通慧攬諸佛法隨人所求不逆其心

爾時世尊復告最勝昔我遊學淨三住結功

齊德整共同聞者不可稱計其中退轉在吾後者不可陳說吾從一住至于三住建立弘誓心不移轉於其中間所作功德亦不可量具捨珍寶奇異妙物國財妻子不在其例但念頭施與其前人九千九百九十九頭最後遇虎飢羸窮急伺捕羣獸竟不剋獲便欲歟

能一

十四

子以全其命舒身張爪前欲搏攝吾與慈氏柔順爲伴顧謂二人今正是時誰能建心勇猛特出以身自投施彼餓獸二人各自還相視面口雖不言心懷退轉吾尋觀知彼有悔意即於山頂投于深谷首陀會天尋下接持即化甘露狀似吾身銅彼餓虎使得滿足母

隨其因緣而示現之當不以生非不有生無生不生乃淨其地以爲不或終不以惑或出塵勞乃謂爲惑惑不見惑無惑不惑深知眩惑乃應真空如是最勝菩薩之行分別空無引致入法具在苦痛皆令普安是謂最勝進學菩薩於三住地而淨其行

能乙

十五

子俱全吾亦不損思計彼身乃充萬頭是故最勝進學菩薩修成三地亦有悔還心不堅固正使我身入虎口者虎亦不食亦不親近所以然者由其立根得神力故於一切法而得自在當習悔過未曾藏匿用無量施勸助功德菩薩修學頌宣道義奉習勤學大士之

法其意牢固不捨弘誓無極德鎧用自纏絡佛復告最勝進學菩薩修治三地常當專心無令變異不以所見爲動衆心於諸煩勞恒知遠離於己止足無有僥倖不於想著心不流馳不求榮冀尊豪高位令一切人如法習法宣開上智使同其原彼我爲一然無差別

佛復告最勝進學菩薩修治三地常當專心無令變異不以所見爲動衆心於諸煩勞恒知遠離於己止足無有僥倖不於想著心不流馳不求榮冀尊豪高位令一切人如法習法宣開上智使同其原彼我爲一然無差別

生不生乃淨其地以爲不或終不以惑或出塵勞乃謂爲惑惑不見惑無惑不惑深知眩惑乃應真空如是最勝菩薩之行分別空無引致入法具在苦痛皆令普安是謂最勝進學菩薩於三住地而淨其行

色入品第四

能乙

十六

是時最勝菩薩前白佛言何謂生貴菩薩於四地中而淨其行

佛告最勝生貴菩薩於四地中常當不捨奉真人法念在閑靜不離宴坐於婬慾癡恒以少欲意趣知足亦不貪著不捨苦行十二法

要執持禁戒如防蛇蠍見欲穢惡如被火然除愛欲意亦不使生興意視衆如泥洹想惠施所有不惜身命不懷慢惰於衆貢高不慕中念行法施訓誨衆生果其所願積功累德爲無上道習在閑居山巖獨處所有多少趣

足而已行諸德業而無厭足博學多知諭受不倦所演智慧不以爲勞校計身中思惟本末智慧通達所念具足離於衆惡修行脫門其解脫者是菩薩教了諸法本思惟微妙當別五陰成敗之相觀知四大地水火風觀見六塵所起根本十二因緣深無邊際生死變

易不可窮盡苦言忠諫念持不忘不計我人壽命長短寂寢無爲行非常業解知一切虛而不實復次最勝四住菩薩當護佛土分別道俗悉不可見菩薩之行智不可窮辦一切德修治國土隨其次第成就處所慧海無邊所受無厭多所救度一切衆生其所修行常

爲先首最尊最上無能及遠所念總持強記不忘各獲善本令不缺漏所以然者用尊貴法得遠緣縛因斯受汝入正士室亦因專勤意不退轉自致具足無上聖業所願輒成亦不見成若見成者則爲非成其所修行未無所見行其定意攝攬諸法所爲之行無令有

短制伏心意是其道業修行自守無若干想所以者何乃離諸惡不與從事專精行施良祐福田菩薩發心於一切衆生不以身心有所貪愛轉增上妙無極之哀專精奉戒如護雙目教犯戒者使不爲惡亦當專精修行忍辱夫行忍者亦爲甚難雖在尊位財富極樂

能一

十六

不輕貧賤羸瘦之人如是最勝忍辱爲難勤加精進亦不可及坐佛樹下正身正意結跏趺坐亦不動轉若有人來言避吾處我欲坐此當建牢固勿爲彼伏先取佛道具諸相好降伏魔已即捨與處是謂精進爲難得及專心定意亦復難及生貴菩薩入定意時天雷

霹靂萬響俱震欲得動亂菩薩心者不能轉亂如毛髮許是謂最勝菩薩定意故曰難也菩薩以慧修諸功德不以爲勞於諸衆生出入行步和雅安詳威儀備悉法服齊整是謂菩薩修其智慧功德堅強無能危者曉知本無鉤玄致遠博攬微妙其明極照無所不達專精其心無有流馳常念一切無所依者爲設方便令得其依有閑冥者使觀大明無所歸者爲受其歸處卑賤中與作善友行斚爲者教修質朴見強梁者爲示忍辱於節好中不爲綺雅見無反復教使報恩處在天宮令行十善在懈退處修奉業德設見貢高不懷自大有求其便不能得短不思念惡不說缺漏若在邪業輒往將護使入安詳衆生之類來到其所歡喜承受無瞋恚心有諫喻者示進退法此當應余此不應余可然不然心無增減篤信罪福知有報對設在城郭遊近人間如在曠野巖居不異不貪利業不惜身命

能一

十七

心懷清淨無是非意常護口過言無彼此不求供養望其奉敬明知節限止足而已心常柔和不由弊惡度於生死息諸患苦由是求致成大乘迹菩薩慧心亦不可見生死往返亦無所有以權方便明了訓誨隨時適化斷於終始終始無來亦無去者解知悉空而無處所菩薩計有便爲著有於布施中亦計無有亦無所有復不可見所以者何六度無極復不可見亦無所有如是最勝菩薩布施悉無科限有科限者則非真施設當選擇當施與是不應施是分別高下意生是非施不周普不應爲施若能惠施不生染著無種種念乃謂爲施受施之主得全其命便能安隱坐起誦習身體得定氣力強盛周旋生死常不渴之所生之處神足飛行在所到方爲人所敬得神通眼見十方國耳聽遠聞無極音聲逮致妙香戒定慧解度知見身爲彼種種德勲之香身體香潔莫不悅豫常得餚饌甘美

之味宿福所植而致奇相清淨無垢爲人所護隨其所乏而施與之身常無病不生不死無有衆患恒獲安隱一切具足備悉成就三十有二大人之相得八十種衆好之容敷開法藏不生貪吝充備道慧無所匱乏有來求索而不愛惜輒能盡施逮一切智諸通聖慧

廣濟無窮得深經典樂法之樂於佛樹下坐于道場降伏魔兵及諸官屬不以色故有所施爲知色爲空色亦自空色不自知乃知色空如是最勝菩薩解知色性空者便爲一切道法之首成就法眼爲一切導三世特尊獨步無侶斯由具足諸通慧故佛復告最勝生

貴菩薩終不信邪顛倒之法若見衆生各有所奉祠祀求福心不動轉以食向口見有生類正立無上獨尊之行終不動轉捨就小道知是深法無與等者勤心進業亦無他想雖有他法雜異之儀常以法性觀了別知雖共周旋意終不轉就於他道正使遭世有佛出

世及般泥洹遺法教授復遇滅盡聖衆遊化又值中斷心常一定亦不變改雖無三寶不隨邪念恒習深妙無量經文用十二部遍見一切善權方便無所不入不貪名譽現身變化不自稱譽如是最勝生貴菩薩執行正見知空不眞無正不正正無所有明解此者是

謂正道復次最勝菩薩大士修習智慧分別有無曉知眞空亦無所著復當修行諸慧句義亦無所有苦諦滅苦習結已斷盡斷愛習道果受證等智照察息淫慾癡法智除垢達上中下以遠思智上觀二界知他心智普了衆生心中所念無生智者不受生死胎分之

穢行滅盡智曉斷五陰生滅端緒思惟三根所應行本未知已知無知之根至意成道當學斯根從三白衣至須陀洹修未知根從斯陀含至阿那含學已知根從阿羅漢至成作佛學無知根復當習定觀了禪智初禪總攝有覺有觀次禪中間無覺有觀復從二禪至

無想定無覺無觀其心寂滅亦無動搖常念  
篤信入於正定如是最勝菩薩晝夜不作是  
念吾知奉戒真人之處亦知無戒行惡之人  
無有異心分別之意悉知虛寂無有一二前  
後中間亂念之想菩薩精勤念不離佛法及  
聖衆戒施天念安般休息身苦死念亦知無  
能

十九

處思除五結敬六重法行四神足育養大衆  
端正心意奮振無畏設有沙門外道異學或  
天梵魔及餘衆輩亦無有難詰問之者不見  
若干起吾我想以是之證行常安隱亦無所  
畏得精進力立第一處在諸大衆而師子吼  
轉大法輪沙門淨志梵釋魔衆一切外道所  
不能轉唯佛能轉如來身者金剛所成諸漏  
已盡而無塵埃正使恒沙億垓衆生無敢言  
佛諸漏未盡如來所說言真無二善惡之報  
不失本願一切餘衆離內法者不見敢能違  
佛言教所說賢聖至道之要行是得道犯惡  
入罪亦無有能非如來教亦不見教有所出

處無教不教教無所有深知教戒是謂真道  
如是最勝生貴菩薩求成佛道行無缺漏欲  
聽法者捨諸不要先說微妙使獲所起悉遍  
志願各得具足若有所施不恐怖處心未會  
變無有狐疑不別好醜與二見心亦不思惟  
善惡差別所行法性亦無希望菩薩不念受

其功報普為一切有形之類不習聲聞緣覺  
之心亦不生念有所成辦令一切衆不離佛  
藏知一切空佛法亦空以因緣想有所興發  
由斯觀察而不可見亦無形質言有形者則  
毀法相相亦無相不自生生無根芽何由  
有相相一無形而不可見是謂正真無上之  
道如是最勝生貴菩薩於四住地淨修其行  
不離諸佛神通之慧有所施為應適前人所  
說輒成無有不應從佛教不捨本誓其心  
堅強完具甚安所可施為皆達無願為諸願  
者作善因緣其在三界無能逮者願令其德  
周遍一切菩薩之業其志常定一切智心無

所不入以是之故名曰穴寂所作施與過諸  
想著降伏衆魔今不自在如是最勝生貴菩  
薩常念修四無所礙慧於真諦法亦無所礙  
於聖要義慧無所礙於辯才智慧無所礙所  
說明達慧無所礙是謂菩薩行無礙智與衆  
超異決斷心疑得至無爲及無央數不可稱

能

一千

計衆生之類普使濟度永處安寧除計常想  
思惟無常便斷欲變形無形愛無明矯慢消  
盡不生先除身愛無今生想此五陰身漏結  
不淨眼如水泡亦不牢固幻偽不眞惑世愚  
士染著不倦眼耳鼻口身意之法斯亦無常  
而不可見無形無主永無名号當熟觀色色  
非我有亦非我造乃從無有而生此有以有  
形色便有識神以有識神便生五陰已生五  
陰便染六情以染六情乃有癡行至老病死  
憂苦萬端往來周旋宛轉三界流趣五道無  
有窮已斯由合會因緣所成因是有是無是  
則無此起則起此滅則滅眼耳鼻口身意之

十住斷結經卷第一

九

故最勝當勤習學學無所學當作是行行無所行生貴菩薩於四住中而淨其地

法亦復如是皆悉虛寂而無形質智者達了  
本末皆空何用疲勞困苦識神如是最勝生  
貴菩薩去離色想心不染汙解知本末而無  
所有亦不見成復不見敗諸法之本寂寢空  
無無能動轉超越其上況復過者此則不然  
學一切智廣布其義悉了諸法空而不真是

也 輒直列必 恤思反律 消盪下音汲急音捐弃音  
 攝攬敢反下郎覽洞上羸力垂反捕音  
活反飼寺懶并列鑑苦愛反步搏拔攝上必  
 奮振上方也 眇音古鉤反疾

## 十住斷結經卷第二

能二

姚秦涼州沙門竺佛念譯

了空品第五

爾時最勝菩薩復白佛言云何修成菩薩於五住中當淨其地佛告最勝修成大士常當遠離居家財業亦莫親近頻頭彌淫村修善

陳鼎

功德念除憎嫉遠離俗會世間因緣當念和合遠離忿諍言當護口無亂彼此常當自卑不懷貢高雖多技術不輕憊人斷除無明消滅五陰息老病死諸所作爲不興塵勞亦復不與六十二見而共和同不自稱譽亦不自卑過世八事無有高下常知恭順去諸苦惱

不行癡冥覺寤睡眠度諸恐懼不與罪俱及諸心垢斷於五陰乃至生死身魔罪魔死魔天魔思惟抑制不造彼緣如所聞慧輒能建立應如斯行而無所有諦入慧意學無厭足無所貪慕亦無適莫歡喜啓受心懷悅豫身輕志定其意和雅而無煩惱所學法本說法無窮心常趣道禁法自守好從正真不處邪部唯好妙慧分別種種諸度無極逮得菩薩大乘經籍善權方便隨前應適心復察解了無神通通常欲聽聞無生滅法了十二緣達知無常暢演苦諦亦無吾我解知空定分別無相深體無願曉生死苦成就功德所聞勤執貪慕三寶亦欲知俗復知道法忠心附近以爲伴侶普入諸法欲除貧匱甘受正道其無知者化令成就同功勲業明識其本念避衆惡約身智達兼利衆生處安隱行亦不懷恨欲了最妙無極之行復次最勝修成菩薩念諸佛法云何得成無上道要如所聞慧便能